

Ս. Կարապետյան

ԶԻՆՎԱԾ ԱՊՍԱՍԲՈՒԹՅՈՒՆԸ ԼՈՌՈՒ «ԶԵՂՈՔ ԶՈՆԱՅՈՒՄ»
(1921 թ. փետրվար)

Առաջին իմպերիալիստական պատերազմում Գերմանիայի պարտության հետևանքով, գերմանա-թուրքական զորքերը թողեցին Անդրկովկասը. նրանց անդը գրավեցին անգլո-ֆրանսիական ինտերվենտները: 1918 թ. աշնանը թուրքական բանակը ևս թողեց Լոռին, նախօրոք թալանելով այն ըստ թուրքական բանակի տրադիցիաների: Թուրքական բանակը Լոռին թողնելուց հետո, դեպի Լոռի շարժվեցին դաշնակցական Հայաստանի և մենշևիկյան Վրաստանի բանակները: Լոռի-Փամբակը հայտարարվեց «վիճելի» տերիտորիա: Անգլիական իմպերիալիստները օգտագործելով դաշնակցների ու մենշևիկների միջև եղած հակասությունները և ազգային անտա-զոնիզմը, դաշնակցներին և մենշևիկներին հրահրեցին պատերազմի միմյանց դեմ, ևլնելով «րաժանիք, որ իշխես» անգլիական քաղաքականությունից: Ինչպես տեսնում ենք, իրերային կոմիտեի ղեկավարությունը, Հայաստանի և Վրաստանի բռնկումները, բանվորները և աշխատավոր գյուղացիները վճռական պայքարի դուրս ելան անգլիական իմպերիալիստների, դաշնակցների և մենշևիկների կողմից կազմակերպված այդ եղբայրասպան պատե-րազմի դեմ: Ինչպես Հայաստանում, այնպես էլ Վրաստանում, առանձնա-պես մերձ-պատերազմական գործողությունների շրջաններում, տեղի ունե-ցան բանվորների և գյուղացիների մի շարք ունուցիչներ, ելույթներ, քաղաքական պայքարներ և գյուղացիների մի շարք ունուցիչներ, որոնք անհրաժեշտ էր նրա կազմակերպչների դեմ: Ահա այդ ժամանակ էր, որ հանդես եկան անգլիա-կան իմպերիալիզմի ներկայացուցիչները: Կանգ առեք, ասում են նրանք դաշնակ-մենշևիկյան վաթիշներին, որովհետև պատերազմական գործողու-թյունների շարունակելը ավելի կուժեղացնեք բանվորների և գյուղացի-ների ունուցիչներ պայքարը, որը կվտանգեք ինչպես դաշնակ-մենշևիկյան, այնպես էլ անգլիացիների տիրապետությանը Անդրկովկասում: Դեկտեմ-բերի 31-ին, ցերեկվա ժամը 12-ին, պատերազմական գործողությու-նները դադարեցվում են:

1919 թ. հունվարի 9-ից մինչև 17-ը Թբիլիսիում աշխատեց հայ-վրացական կոնֆերանսը՝ Բրիտանական բանակի զնդապետ Ռ. Ստյուարտի նախադաշնությամբ: Այս կոնֆերանսի որոշմամբ—ավելի ճիշտ անգլիացի-ների կամքով—գրեթե ամբողջ Լոռին, 53 գյուղերով, Ալավերդու արդյու-նաբերական շրջանով հայտարարվում է «Զեղո՛ք զօնա՛»—անգլիական զե-նելալ-գուրերնատորություն, գուրերնատոր Դուգլասի ղլխավորությամբ: Այսպիսով, Լոռու արդյունաբերական շրջանը, իր ստրատեգիկ նշանակու-թյունն ունեցող երկաթգծով, Հայաստանից և Վրաստանից անջատելու և «Զեղո՛ք զօնա՛», այսինքն անգլիական գաղութի վերածելու տեղի ունեցավ անգլիացիների կողմից հրահրված այն ազգամիջյան պատերազմի հետե-

վանքով, որը սարքոցիս զաշնակ-մենչևիկյան կառավարութիւնները 1918 թ. դեկտեմբերին՝ Այս մասին Ս. Օրջոնիկիձեն ասում է. «...Հենց որ իշխանության զլուխ անցան այսպես կոչված սոցիալիստ-մենչևիկները և զաշնակները, ապա երկու եղբայրական ժողովուրդներ մահացու պատերազմի դուրս եկան միմյանց դեմ, ինչ որ մի կտոր հողի համար թափելով հարյուրավոր հայ և վրացի զյուզացիների և բանվորների արյունը հօգուտ անզլիական վաճառականների և արդյունաբերողների, որոնք օգտվելով այդ բանից, քշեցին և՛ զաշնակ, և՛ մենչևիկ բանդիտներին այդ վիճելի տերիտորիայից և հայտարարեցին չեզոք, այսինքն վերցրին իրենց ձեռքը»:

Հոռին անջատվեց Հայաստանից ու Վրաստանից և ծանր վիճակ ստեղծվեց Հոռու աշխատավորների համար: Թուրքական հրոսակախմբերի արշավանքը և թալանը Հոռում, ապա հայ-վրացական պատերազմը վերջնականապես քայքայեցին երկրի տնտեսութիւնը, կանգ առան Ալավերդու հանքերի շահագործումը և գործարանների աշխատանքները: Երկրում բացակայում էր ինչպես օրենսդիր, այնպես էլ գործադիր իշխանութիւնը, տեղերում չկային դատարաններ, դատական քննիչներ և ոչ մի դատական մարմին, քաղաքացիական և քրեական դործերը Դուզլասի որոշմամբ հանձնվում էին Թրիլիսիում անզլիական զերագույն հրամանատարութիւն կից զինվորական դատարանին և մեղադրյալները դատվում էին ռազմական ժամանակաշրջանի օրենքներով:

Հողը մնում էր կալվածատերերի և կուլակների ձեռքին. Հոռու աշխատավորներից անզլիացիները պանծում էին 14 տեսակի հարկեր. թալանը, ավազակութիւնը, կաշառակերութիւնը «անտեր» զոնայում, ինչպես ասում էին լոռեցիները, ոչ միայն չափից անցել էին, այլև դարձել էին սիստեմա: Բանվորների համար ստեղծված զրության մասին «Կոմունիստ Դրուդի» թերթն իր 1920 թ. հոկտեմբերի 22-ի համարում գրում է. «...Առանձնապես ծանր դրութիւն մեջ ընկան Ալավերդու բանվորները, որոնք, բացի գործարանից, ոչինչ չգիտեին և ոչնչով չէին զբաղվում և գործարանը փակվելուց հետո, ծախելով ամեն ինչ, հիմա մերկ ու ոտաբորիկ, սոված... նստած սպասում են վերկութիւն, իսկ վերկութիւնը նրանց համար մինչև հիմա եղել է մահ...»:

Միակ ելքը ստեղծված զրութիւնից ուղղուցիտն պայքարի մեջ էր: Հոռու բուլչևիկյան կազմակերպութիւնները, որոնք հիմնադրվել և դաստիարակվել են ըսկեր Ստալինի և նրա հավատարիմ զինակիցներ Ս. Շահումյանի և Ս. Սպանդարյանի կողմից, պարտիական կազմակերպական աշխատանքների լեզալ և անլեզալ քաղաքական պայքարի խոշոր փորձ ունեին, հետևապես Հոռում ստեղծված ուժիմը հանկարծակիի չբերեց Հոռու պարտիական կազմակերպութիւններին, նրանք, ըստ նոր իրադրութիւն, վերակառուցեցին աշխատանքները և պայքարի դուրս եկան Հոռում սովեթական կարգեր հաստատելու համար:

Ձինված ապստամբութիւն նախօրյակին Հոռում պարտիական անդամների թիվը հասնում էր մոտ 500—520 մարդու: Պարտիական կազմակերպութիւնները զեկավարվում էին Հոռու գավառային, Ալավերդու շրջանային, Հաղպատ-Մանեսի, Ջալալ-Օղլու և Ուզունլարի անլեզալ կոմիտեների

1 Ք. Կ. Օրջոնիկիձեն, ժողովրդի և հողմածների հաւընտեր, 1939 թ., էջ 131.

կողմից: Լոռու բոլշևիկյան կազմակերպությունները կապված էին Երկրային ու Բրիլիսի կոմիտեների և Հայաստանի բոլշևիկյան կազմակերպությունների հետ և սրանցից ստանում էին ղեկավարություն ու օժանդակություն:

Բոլշևիկյան Երկրային կոմիտեն, որին, Բաքվի կոմունայի անկումից հետո, գլխավորում էր ընկեր Ա. Միկոյանը, կազմակերպում ու ղեկավարում էր Լոռու և ողջ Անդրկովկասի բոլշևիկների սլայքարը մենշևիկների, մուսավաթականների, զաշնականների և ինտերվենտների դեմ:

Ա. Մուսավյանը Լոռու բոլշևիկներին կապում էր Երկրային կոմիտեի հետ: Ընկեր Ա. Միկոյանը անձամբ կապված էր Լոռու բոլշևիկների կազմակերպությունների հետ: 1919—1920 թ. թ. ժամանակաշրջանում ընկեր Միկոյանը երկու անգամ եղել է Լոռում և ղեկավար ցուցումներ է ավել Լոռու բոլշևիկյան կազմակերպություններին: Ընկեր Միկոյանի հանձնարարությամբ հաճախակի Լոռի էին գալիս պարտիական ընկերներ, որոնք օգնում էին Լոռու ընդհատակյա աշխատող բոլշևիկներին նրանց աշխատանքներում:

Պարտիական կազմակերպությունների աճը, երիտասարդական խմբակների կազմակերպումը, Ուզունլարի, Ջալալ-Օղլու շրջաններում 1919—1920 թ. թ. կալվածատերերի հողերի բռնագրավման փորձերը, երկաթուղու բանվորների ռևոլուցիոն ելույթները զաշնակ-մենշևիկյան և անգլիական կեղեքիչների դեմ, վկայում են այն հսկայական աշխատանքների մասին, որը տարվում էին Լոռու բոլշևիկյան կազմակերպությունների կողմից: Լոռու Չեղոք գոնայի բանվորների և գյուղացիների ռևոլուցիոն պայքարը նոր թափ է ստանում Ադրբեջանում և Հայաստանում սովետական իշխանություն ստեղծելուց հետո:

Ադրբեջանում սովետական իշխանություն հաստատվելուց հետո, Լոռու բոլշևիկյան կազմակերպությունները կապ են ստեղծում Սովետական Ադրբեջանի և Կավրյուրոյի—Օրջոնիկիձեի, Կիրովի և Միկոյանի հետ: Կավրյուրոյի հանձնարարությամբ Լոռի են գալիս հայ, ռուս և ադրբեջանցի ընկերներ՝ Չեղոք գոնայում զինված ապստամբություն նախապատրաստելու համար: Կավրյուրոյի հանձնարարությամբ Բաքվից Լոռի եկած ընկերներից մեկը—Գրիշա Առուստամյան—իր ստացած առաջադրանքների մասին գրում է.

«Ստանալով Երկրային կոմիտեից Լոռիում — առանձնապես երկաթգծի ուղղությամբ Սադախլու-Սանահին ռազմական դրուժինաներ կազմակերպելու հանձնարարություն, ես մեծ դժվարությամբ Սադախլոյի վրայով հասա Հաղպատ... Ընձ հաջողվեց աշխատանքներ ծավալել Լոռու բոլոր հիմնական կետերում, որի հետևանքով ամառվա վերջերին մեր պարտիան ուներ 500-ից ավելի՝ դրուժինաներում կազմակերպված և զինված ընկերներ»¹:

Կավրյուրոյի ղեկավարությամբ նման աշխատանքներ էին տանում Հայաստանի և Վրաստանի բոլշևիկյան կազմակերպությունները: Վրաստանում, Հայաստանում և Լոռու Չեղոք գոնայում զինված ապստամբության նախապատրաստական աշխատանքները կազմակերպում և ղեկավարում էր

¹ Կավկազսկի բաթռի ժուռնալ 1922 թ., № 11:

Կապրյուրոն: Այս գործում Լոռու բոլշևիկյան կազմակերպություններին, առանձնապես ուսական գյուղերի կազմակերպություններին, մեծ օժանդակություն հույց տվեց Ս. Մ. Կիրովը. որը գտնվում էր Թբիլիսիում, որպես ՌՍՖՍՌ-ի ղեսպան Վրաստանում, որի հետ կապված էին Լոռու բոլշևիկները:

Սեպտեմբերի 3-ից մինչև 7-ը Բաքվում տեղի ունեցավ արևելյան ժողովուրդների համագումարը, որին Լոռու կազմակերպություններից մասնակցում էին 17 պատգամավորներ: Այստեղ առաջին անգամ Լոռու բոլշևիկներին ներկայացուցիչները տեսնվեցին ընկ. ընկ. Օրջոնիկիձեի, Կիրովի և Միկոյանի հետ, որոնք մեծապես նպաստեցին Լոռու գինված ապստամբության նախապատրաստման գործին: Համագումարի պատգամավորները (Սիմոն Իսրայելյան, Երվանդ Միկոյան և ուրիշները) պատմում են, որ մինչև համագումարի սկսվելը, ինչպես և համագումարի ժամանակ, հաճախ տեսնվում էին Օրջոնիկիձեի, Կիրովի և Միկոյանի հետ:

Ընկ. ընկ. Օրջոնիկիձեն և Միկոյանը հետաքրքրվում էին պարտիական գործերով, ինչպես և գինված ապստամբության նախապատրաստման աշխատանքներով: Նրանց հետաքրքրում էր, թե ինչպես են Լոռու բանվորները և գյուղացիները վերաբերվում դեպի մենշևիկները և դաշնակները և ինչպիսի կարծիք ունեն սովետական իշխանության և Կարմիր Բանակի մասին: Նրանք խոստանում են օգնել Լոռու աշխատավորներին նրանց ազատագրման գործում, սակայն կատեգորիկ կերպով զգուշացնում են, որ գինված ապստամբությունը պետք է լավ պատրաստել, հապճեպություն չպետք է թույլ տալ այդ գործում, որ Լոռում գինված ապստամբության հարցը պետք է կապել նույն հարցի հետ Հայաստանում և Վրաստանում:

Պատգամավորները գրեթե ամեն օր տեսնվում էին ընկ. Միկոյանի հետ: Ա. Ի. Միկոյանը հաճախակի գալիս էր այն հանրակացարանը, որտեղ տեղավորված էին Լոռու պատգամավորները, զրույց էր ունենում Լոռու բոլշևիկյան պատգամավորների հետ, կոնկրետ ցուցումներ էր տալիս Լոռում գինված ապստամբության նախապատրաստման կապակցությամբ: Պատգամավորների հանդիպումը Բաքվում ընկ. ընկ. Օրջոնիկիձեի, Կիրովի և Միկոյանի հետ՝ նոր եռանդ ու ոգևորություն ներշնչեց Լոռու բոլշևիկներին: Պատգամավորները վերադառնալով Լոռի, նոր աշխուժություն ու թափ մտքերին իրենց աշխատանքների մեջ:

Ռևոլյուցիոն շարժման ուժեղացումը Չեզոք գոնայում, Ազրբեյջանում սովետական իշխանություն ստեղծելուց հետո, ստիպում է անգլիական ինտերվենտներին, մենշևիկներին և դաշնակներին լիկվիդացիայի ենթարկել Չեզոք գոնան: Դաշնակցական «Նոր աշխատավոր» թերթը պահանջում է «Անհապաղ վերացնել այսպես կոչված Չեզոք գոտու գոյությունը, որը մի պատուհաս է հանդիսանում ոչ միայն Բորչալու գավառի, այլ և երկու հանրապետություններին համար»:

Վրաստանի գինվորական նախարար Լորդկիպանիձեն հայտարարում է, թե «Չեզոք գոնան» դուրձել է մի չարիք, որին պետք է վերջ տալ... Որ իրենք (այսինքն՝ վրացի մենշևիկները — Ս. Կ.) այժմ պատրաստ են միայն գոնայի խնդիրը վերջացնել, որովհետև դա երկու կողմերի համար էլ վտանգավոր

մի տեղ է, ամենախոցելի տեղը ներքին կարգի անախորժությունների և բոլշևիկների գործողությունների տեսակետից...»¹

Կովկասի անգլիական գերագույն կոմիսար Լյուկկը մեկնելով Երևան, Հայաստանի վարչապետի հետ օգոստոսի 31-ին զրուցելիս, հայտարարեց. «...Ներկա քաղաքական մոմենտը պահանջ է դնում անպայման համաձայնության գալ վրացիների հետ գոնե նեյտրալ գոնայի հարցում: Այդ շրջանը շատ վտանգավոր է բոլշևիկյան շարժումների տեսակետից...»²

Այս բոլորը ապացույց են այն մեծագույն աշխատանքի, որ ծավալվեց Լոռու Ձեզք գոտայում Կավլյուրոյի--Օրջնիկիձեի, Կիրովի և Միկոյանի գլխավորությամբ, որի հետևանքով Լոռին, ինչպես ասում էին զաշնակցականները և մենշևիկները, «չարիք», «պատուհաս» էր դարձել մենշևիկների, զաշնակների և անգլիական ինտերվենտների համար:

Ձեզք գոտան չիկվիդացիայի է ենթարկվում: Նոյեմբերի վերջերին, երբ հայ ժողովուրդը հերոսական պայքարի էր դուրս եկել զաշնակների տիրապետության և թուրք օկուպանտների դեմ, մենշևիկները, Ձեզք գոտայում զինված ապստամբությունը կանխելու համար, օկուպացիայի ենթարկեցին այն, այլև Սովետական Հայաստանի անվիճելի տերիտորիան-- նախկին Ջալալ-Օղլու շրջանը, սակայն, այդ ոչ մի կերպ չէր կարող կանխել Ջոնայում հասունացող զինված ապստամբությունը:

Նոյեմբերի 29-ին սովետական իշխանության հաստատումը Հայաստանում մի նոր կարևորագույն և վճռական էտապ հանդիսացավ Լոռում զինված ապստամբության նախապատրաստման տեսակետից և կանխորոշիչ նշանակութուն ունեցավ նրա հաղթանակի գործում: Լոռին սերտորեն կապվեց Սովետական Հայաստանի հետ: Լոռու բոլշևիկյան կազմակերպությունները Սովետական Հայաստանից և Ադրբեջանից, ինչպես և 11-րդ բանակի սահմանապահ զորամասերից ստանում են ամեն տեսակի օժանդակութուն՝ զենք, զինամթերք, զինվորական կազմակերպիչներ, դրամ և այլն: Այս տեսնում էին մենշևիկները և զաշնակները, որի հետևանքով ավելի էին ուժեղացնում ռեպրեսիվ միջոցները Լոռու աշխատավորության նկատմամբ:

Օկուպացիայի ենթարկելով Լոռին, մենշևիկները բացարձակապես կողոպտում էին գյուղացիներին: Մենշևիկների երեք հազարանոց օկուպացիոն բանակն ամբողջովին ապրում էր գյուղացիների հաշվին: Այդ բանակը կերակրելու համար նրանք բռնագրավում էին գյուղացիների բոլոր տեսակի առանց այդ էլ փոքրաքանակ մթերքները--հաց, կարտոֆիլ, պանիր, յուղ, նույնիսկ խոշոր եղջերավոր անասունները, ապա գյուղացիների անասունների կերը՝ խոտ, դարման և այլն: Մենշևիկների այդ թալանչիասան արարքների և բռնությունների մասին «Գրավդա»-ն գրում է. «...Ժողովրդական գվարդիականները (մենշևիկյան գվարդիան, Ս. Կ.) վայրենաբար բռնություններ էին գործադրում գյուղացիների նկատմամբ, թալանում էին նրանց, բռնաբարում կանանց: Գյուղացիներին կիսամերկ դրությամբ դուրս էին վռնդում գյուղերից, որոնցից շատերը ցրտահար էին լինում...»³

¹ Հայպետարիվ, ֆ. 3, գ. 861.

² Հայպետարիվ, ֆ. 3, գ. 360, ք. 35.

³ «Գրավդա», 3 մարտի 1921 թ.

Մենչևիկյան իշխանությունների և օկուպացիոն զորքերի բռնությունները, թալանը, քաղաքական հալածանքները և բանտարկությունները ունեցիկ ունեցող շարժումների նոր վերելք ստեղծեցին Լոռուում, Լոռու բոլշևիկների ղեկավարությամբ այդ շարժումներն ընթանում էին «Ազգում եմք միացալ Սովետական Հայաստանին» լոզունգի տակ։ Այս լոզունգի շուրջը մասսաներին մոբիլիզացիայի ենթարկելու նպատակով, բոլշևիկյան կազմակերպությունները Լոռուում հրավիրում են համագումարներ, գյուղացիական ժողովներ, որտեղ որոշումներ են հանում միանալ Սովետական Հայաստանին և խնդրում են Սովետական Ռուսաստանից և Հայաստանից «Լսել իրենց ձայնը և օգնություն ցույց տալ իրենց»։ Մենչևիկյան տիրապետությունից ազատագրվելու համար, նախկին Վորոնցովկայի գյուղական հասարակությունը իր ղեկավարների 17-ի ժողովում որոշում է՝ օգնություն խնդրել Սովետական Ռուսաստանի և Հայաստանի կառավարություններից՝ ստեղծված զրույթությունից ազատագրվելու համար։ Դիմումը վերջանում է հետևյալ խոսքերով. «...Ցանկանալով ազատագրվել անկոչ վրացական կնյուզների և աղանդականների իշխանության կողմից գործ դրված բռնություններից, նկուղներից և շղթաներից, մեր միակ ցանկությունն է տեսնել մեզ մոտ ժողովրդի ընտրյալների՝ բանվորների և գյուղացիների սովետական իշխանություն... Կեցցե՛ք Սովետական Կոմունիստական իշխանությունը, Կեցցե՛ք Կոմունիստական Ռուսաստանը, Ադրբեջանը և Հայաստանը»¹։

Ավելի վճռական ուղղություն բնույթ էր կրում աշխատավորների և Անահիտի բանվորների ելույթը՝ Սանահին գյուղում։ Սանահին գյուղի աշխատավորները և կայարանի բանվորները, Սանահինի պարտիական կազմակերպության ղեկավարությամբ, 1920 թ. ղեկավարների սկզբներին պուլը հայտարարեցին սովետական և կազմեցին Ռեկոմ, որը, երեք օր գոյություն ունենալուց հետո ցրվեց օկուպանտների կողմից։ Նման բացարձակ ուղղություն ելույթները ավելի էին կատաղեցնում մենչևիկ օկուպանտներին։ Լոռուում սկսում են գործել մենչևիկյան պատմիչ ջոկատները։

Սովետական Հայաստանի կառավարությունը վճռական կերպով պահանջում է մենչևիկներից դադարեցնել ուսույթն սկսված ժողովները Լոռու աշխատավորների նկատմամբ և Ջեզոք գոնան, ինչպես և Սովետական Հայաստանից զրավված անվիճելի տերիտորիան ադատել մենչևիկյան զորքերից, բայց մենչևիկները, որոնք գործիք էին դարձել Անտանտի իմպերիալիստների ձեռքին, ոչ միայն չէին ազատում զրավված տերիտորիան, այլև վտարում էին նախկին Ջեզոք գոնայի և Ջալալ-Օղլու շրջանի այն ծառայողներին, որոնք իրենց համարում էին Սովետական Հայաստանի հպատակներ։ Մենչևիկների կողմից բանտարկությունների ու զինաթափման վտանգը ստիպում է Լոռու բոլշևիկյան կազմակերպությունների ղեկավարությանը կոպող ուժերին գյուղերից դուրս բերել անվտանգ տեղեր—սարերը և ամառանոցները։ Բոլշևիկյան կազմակերպությունները միևնույն ժամանակ մեծ ագիտացիոն և հետախուզական աշխատանքներ են ծավալում վրացական զորքերի մեջ։

Ջինված ապստամբության նախապատրաստական աշխատանքները կազմակերպելու և ղեկավարելու, անանձնապես զինված ուժերի պարտի-

¹ Հայպետություն, ֆ. 85, գործ № 114։

դանական ջոկատների կազմակերպման և նրանց ի մի համախմբելու և մի ընդհանուր ղեկավարութեան ներքո վերցնելու համար, ընկեր Օրջոնիկիձեի պահանջով, Հայաստանի Գոմունիստական Բոլշևիկների Պարտիայի կենտրոնը 1920 թ. դեկտեմբերի 20-ին որոշում է Սովետական Ղարաքիլիսայում ստեղծել «Ապստամբների շտաբ», բաղկացած երեք մարդուց — ընդհանուր պատասխանատու ղեկավարից, ռազմական ղեկավարից և շտաբի պետից: Շտաբին կցվեցին Կարմիր Բանակի պատասխանատու ռազմական և քաղաքական աշխատողներ: Լոռու բոլշևիկյան կազմակերպությունների հարաճուն աշխատանքների հետևանքով 1921 թվի հունվարի սկզբներին հիմնականում ավարտվեցին մասսաների ռեկուլցիոն ժողովրդացիայի և զինված ուժերի կազմակերպման աշխատանքները: Լոռում զինված ուժերի կազմակերպվածությունը և դասավորումը հունվարի կեսերին ուներ հետևյալ պատկերը:

Սովետական Ղարաքիլիսայում լոռեցի պարտիզաններից կազմակերպված էին երկու մեծ պարտիզանական ջոկատներ, ամեն մեկը 400 մարդուց: Այս ջոկատները, կոնսպիրացիայի ենթարկելու համար, պաշտոնապես կոչվում էին «Ղարաքիլիսայի պահակային գումարտակ»: Ջոկատների հիմնական կորիզը կազմում էին Ալավերդու և երկաթգծի բանվորները: Հաղպատի մոտ, «Խաչի դուռ» կոչվող վայրում կազմակերպված պարտիզանական ջոկատը բաղկացած էր 500 մարդուց: Այս ջոկատը կազմակերպվեց ղեկավար հունիս ամսին, նույնպես երկաթգծի և Ալավերդու բանվորներից: Պրիվոնոն գյուղի մոտ գտնվող անտառում դոյուլություն ուներ 160 մարդուց բաղկացած պարտիզանական ջոկատ, որը կազմված էր զխավորապես Ջալալ-Օղլու շրջանի ուս ընկերներից: Այդ ջոկատն ուներ զնդացիներ: Այս, ինչպես և մյուս ջոկատները գտնվում էին Կարմիր Բանակի հրամանատարների ղեկավարութեան տակ: Սովետական Կողբում (այժմ Նոյեմբերյան) ևս կազմակերպված էր մի մեծ ջոկատ՝ մենշևիկների հալածանքներից փախած լոռեցիներից, որոնց միացան դազախեցիները ապստամբության ժամանակ:

Բացի այս ռազմականացված ջոկատներից, Լոռու գրեթե բոլոր գյուղերում և կայարաններում կազմակերպված էին փոքր խմբակներ, որոնք մասնակցեցին զինված ապստամբությանը, միանալով հիմնական ջոկատներին կամ կատարելով ինքնուրույն առաջադրանքներ: Այսպես, օրինակ, կայարաններում կազմակերպված խմբակները ապստամբության ժամանակ շատ կարևոր աշխատանք կատարեցին կայարանների հեռագրատների, հեռախոսների գրավման և ապստամբությանն ի սպաս դնելու գործում, նրանք քանդում էին ճանապարհները, որպեսզի հակառակորդի զրահապատ գնացքները չանցնեն ապստամբների թիկունքը, և այլն:

Ջոկատների կազմակերպման աշխատանքների մասին Ղարաքիլիսայի Ռեկոմը սեպտեմբերի 17-ին պարտիական կենտրոնին ուղղած իր զեկուցագրի մեջ հայտնում է հետևյալը. «...Մենք կազմակերպեցինք զինված ուժեր ամեն մի գյուղում 50-ից մինչև 500 մարդ: Հիմա այդպիսիների թիվը հասնում է մինչև 2500 մարդու»¹

Լոռու Ջեզոք գոնալույս զինված ապստամբության արագացումը թե-

¹ Հայպետարիիվ, Փ-նդ 85, գործ 11:

լադրվում էր և այդ ժամանակ Կովկասում ստեղծված միջազգային դրությամբ: Կորցնելով Դենիկինին, Վրանգելին և դաշնակցական Հայաստանը, Անտանտը իր ուղադրությունը կենտրոնացրել էր մենշևիկյան Վրաստանի վրա, կատարելով այնտեղ ուժերի կուտակում: 1920 թ. աշնանը, մենշևիկյան Թրիլիսին հանդիսանում էր հակասովետական կոնտրակոլուցիոն ուժերի կենտրոն: Այստեղ էին հավաքվել Դենիկինի, Վրանգելի ջախջախված բանակների մնացորդները և նրանց դուժակում գանվող ամեն տեսակի ու գույնի հին հասարակարգի մնացորդներ—կալվածատերեր, ազնվականներ, կապիտալիստներ, խոշոր չինովնիկներ և այլն: Այստեղ էին հավաքվել Ադրբեջանից, Հայաստանից, Թերեկից, Կուբանից, Դոնից, Ղրիմից, Դաղըստանից փախած կոնտրակոլուցիոններները և նրանց պաշտպանները: Այստեղ՝ Թրիլիսում, «Օրիանտ» հյուրանոցում էին գտնվում անգլո-ֆրանսիական հրամանատարության կողմից կազմակերպված այս երկրների «իրկության կոմիտեները», որոնց Անտանտի իմպերիալիստները ֆինանսավորում էին սովետական ռեսպուբլիկաների դեմ կովելու համար: Անտանտի իմպերիալիստների թելադրանքով մենշևիկները պրովոկացիոն գործողություններ են սկսում Սովետական Հայաստանի դեմ: Նրանք բռնկադայի ենթարկեցին Սովետական Հայաստանը, չթողնելով, որ Սովետական Ռուսաստանից և Ադրբեջանից ուղարկված հացի, նավթի, մթերքների, մանուֆակտուրայի էշելոնները Վրաստանի վրայով անցնեն Հայաստան, նպատակ դնելով սովի մատնել առանց այն էլ սոված Հայաստանի աշխատավորներին, որպեսզի, այդպիսով, Հայաստանում դժգոհություններ առաջ բերեն Սովետական իշխանության դեմ: Իրենց պրովոկացիոն գործողություններով մենշևիկները, անդիլացիների թելադրանքով, կոխվ էին պատրաստում Սովետական Հայաստանի դեմ:

Զեոոռ գոնայի աշխատավորներին շահերը, հայ և վրաց ժողովուրդների, սովետական ռեսպուբլիկաների շահերը պահանջում էին անհապաղ լիկվիդացնել կոնտրակոլուցիոն այդ որջը, քանի որ սպառնալից էր դառնում ռեալ վտանգը, որ ստեղծվել էր Անդրկովկասում՝ Անտանտի իմպերիալիստների և վրաց մենշևիկների կողմից՝ սովետական ռեսպուբլիկաների հանդեպ: Իսկ ինչպե՞ս էր գրությունը Վրաստանում: Մենշևիկները երկիրը դարձնելով իմպերիալիստական պետությունների գաղութ, այն հասցրել էին կործանման դուռը: Ընկեր Ստալինը այդ ժամանակ Վրաստանում ստեղծված դրության մասին գրում է. «Վրաստանի տնտեսական և պարենային կատաստրոֆիկ դրությունը մի փաստ է, որ արձանագրում են նույնիսկ ներկա Վրաստանի պարագլուխները: Վրաստանը, որը խճճվել է Անտանտի թակարդում և այդ պատճառով զրկվել է ինչպես բաքվի նավթից, այնպես էլ Կուբանի հացից, Վրաստանը, որը դարձել է Անդլիայի և Ֆրանսիայի իմպերիալիստական օպերացիաների հիմնական բազան և այդ պատճառով ժամանակավոր հաբարբրություններ է հաստատել Սովետական Ռուսաստանի հետ, այդ Վրաստանը այժմ ապրում է իր կյանքի վերջին օրերը»¹:

Սերգո Օրջոնիկիձեի անմիջական ղեկավարությամբ, Վրաստանի կոմունիստական Պարտիան խոշոր աշխատանք ծավալեց Վրաստանում և նրա մի մասը կազմող Զեզոք գոնայում գինված ապստամբության նախապատրաստման դործում: Բանվորների մասսայական հեռացումը մենշևիկյան

¹ Ստալին — Դրությունը Կովկասում, «Գրավդա», 30 նոյեմբերի 1920 թ.

պարտիայից, պրոֆեսիոնալ միությունների մի շարք բանվորական կազմակերպությունների նվաճումը կոմունիստների կողմից, բանվորական և գյուղացիական ռևոլյուցիոն ելույթները մենշևիկյան կառավարության դեմ, ռևոլուցիոն ելույթները մենշևիկյան բանակում, — ապացույց են այն տնտեսական ու քաղաքական ճգնաժամի, որ ստեղծվել էր այդ ժամանակ մենշևիկյան Վրաստանում: Այսպիսով, զինված ապստամբությունը Վրաստանում ևս հասունացել էր:

Լոռում զինված ապստամբությունը կազմակերպված անցկացնելու, այդ ուղղությամբ կատարված աշխատանքներն ստուգելու, Լոռու բոլշևիկյան կազմակերպություններին ղեկավար ցուցումներ տալու նպատակով, Սովետական Ղարաբաղի սայում, հին բոլշևիկ, Կենտկոմի և Հայոցկոմի անդամ ընկ. Ասքանազ Մոավյանի ղեկավարությամբ, 1921 թվին հունվարի 2-ին հրավիրվում է Լոռու պարտիական կազմակերպությունների կոնֆերանս, որտեղ քննության են առնվում զինված ապստամբության հարցերը և համապատասխան որոշումներ են ընդունվում այդ առթիվ: Կոնֆերանսից հետո խորհրդակցություններ են հրավիրվում Ղարաբաղի սայի «Ապստամբների շտաբում» և շրջաններում, որտեղ նույնպես քննվում են զինված ապստամբության հարցերը: Այս խորհրդակցություններում կատարվում է աշխատանքի բաժանում, մշակվում են զինված ապստամբության կոնկրետ պլաններ, պաշտոնապես հայտարարվում է, որ փետրվարի առաջին կեսերին տեղի է ունենալու զինված ապստամբություն «Զեզոք զոնայում»:

Հունվարի կեսերին Հաղպատի և Շնողի կազմակերպությունները որոշում են ընդունում հատուկ պատգամավորություն ուղարկել Բաքու, ընկեր Օրջոնիկիձեի մոտ, խնդրելով նրան արագացնել զինված ապստամբությունը: Այդ պատգամավորությունը հաջողությամբ հասնում է Բաքու: Ընկեր Օրջոնիկիձեն, ինչպես պատմում է պատգամավորության անգամ Հ. Շահնազարյանը, մեծ սիրով և համակրանքով է ընդունում պատգամավորներին: Պատգամավորները պատմում են ընկեր Օրջոնիկիձեին այն սոսկալի դրության մասին, որ ստեղծվել են Լոռում մենշևիկ օկուպանտները, և խնդրում են արագացնել իրենց ազատագրման գործը: Ընկեր Օրջոնիկիձեն հավաստիացնում է, որ բոլոր միջոցները ձեռք են առնված կարճ ժամանակամիջոցում Լոռին մենշևիկներից ազատագրելու համար: Պատգամավորներից մեկը՝ Գրիշա Առուստամյանը այս մասին գրում է. «Ստանալով ընկ. Օրջոնիկիձեից խոշոր բարոյական և մի քիչ էլ նյութական օժանդակություն, մենք հունվարի վերջերին հասանք Լոռու սահմանակից Կոզը գյուղը...»:

1921 թ. փետրվարի սկզբներին սովետական Կոզը գյուղում, Կավթուրոյի կողմից կցված ընկերոջ նախադահույթամբ և Անդրակ Սարգսյանի (բանվոր) ու Սիմոն Էվոյանի (բանվոր) անդամակցությամբ կազմակերպվեց Լոռու «Ռազմա-հեղափոխական կոմիտե»:

Փետրվարի 7-ին տեղի ունեցավ Ալավերդու շրջանի ղեկավար աշխատողների խորհրդակցություն, ուր նախատեսվեց Ալավերդու շրջանային Ռեկոմի կազմը՝ Սիմոն Էվոյանի նախադահույթամբ, Մելիք-Ալիխանյանի և ուրիշ երեք բանվորների անդամակցությամբ: Խորհրդակցությունը ընկ. Ս. Խարայելյանին առաջադրեց Ալավերդու շրջանի պարտիզանական ջոկատի

կոմիսար, Հունվարի 10-ին 70 պարտիզաններ սովետական Կոդրից Լոռի անգափոխեցին գեներալ վերջին պարտիան, Փետրվարի 7-ից մինչև 9-ը Ղարաքիլիսայի «Ապստամբների շտաբը» և Լոռու Ռազմհեղկոմը պաշտոնապես հայտարարեցին բոլշևիկյան կադակերպություններին և պարտիզանական ջոկատներին՝ փետրվարի լույս 12-ի գիշերը, ժամը 2-ին, ղինված ապստամբություն սկսելու մասին: Լարաքիլիսայի պարտիական Գոմիտեն հատուկ գիմուս ուղղեց Հաղպատի Ռայկոմին: Բիմուսի մեջ ասվում է.

«Ընկերներ,

Հասել է այն ժամը, երբ դուք ձեր ուժերով օգնության պիտի դաք տապալելու վրաց դյուքանչիների պիղծ լուծը: Առաջարկվում է ձեզ փետրվարի 11-ի լույս 12-ի գիշերը, ուղիղ ժամը 2-ին, բարձրացնել ապստամբություն Սանահին, Հաղպատ և Որնակ դյուղերում և ղինաթափ անել այդ դյուղերում դանվող վրացական ղինվորներին: Գիտցեք, որ այդ ժամին ապստամբություն է լինելու ամբողջ Զեդոք գոտում և Վրաստանում: Զեր շրջանի գյուղերը ղինաթափելուց հետո, անմիջապես պետք է դրավել Հաղպատ կայարանը, Ալավերդի գյուղը և Մագանը...»¹:

Փետրվարի 11-ի երեկոյան, Լարաքիլիսայի «պահակային գումարտակը», բաղկացած 800 մարդուց, ստացավ իր մարտական խնդիրը և դուրս եկավ գործողության. այդ գումարտակի վաշտերից մեկը առաջադրանք ստացավ գիշերվա ժամը 2-ին ավարտել մենչևիկների կողմից Շահալուի ականված կամուրջի գրավումը, այլապես ժամը 2-ին սկսելիք ապստամբությունը կստիպեր մենչևիկներին պայթեցնելու կամուրջը: Վաշտը Յադուրիի վրայով իջավ Փամբակ կիսակայանը. այդ ժամանակ Շահալուի պարտիզանական խումբը կարեց ականների էլեկտրալարերը. որով և ապահովեց կամուրջի անվտանգությունը: Իմանալով, որ էլեկտրալարերը կտրված են, վաշտը շարժվեց առաջ, կայծակնային հարձակումով դրավեց Շահալուի կամուրջը, անաղմուկ կերպով ղինաթափ արավ կայարանի կայադորը և կամուրջի պահակախումբու: Կամուրջը փրկված էր, դա ապստամբների առաջին և խոշոր հաղթանակն էր: Փետրվարի լույս 12-ի գիշերը, ժամը 2-ին սկսվում է բնդհանուր ապստամբությունը: Փետրվարի 11-ին ուշ երեկոյան պարտիզանական ջոկատները բոլոր շրջաններում դուրս են դալիս իրենց մարտական խնդիրները կատարելու: Գիշերվա ժամը 2-ին Հաղպատի բարձունքից բաց է թողնվում պայմանավորված հրթիռը—ոակետը: Ի պատասխան սրան, շրջակա դյուղերից արձակվում է մեկական հրթիռ: Նույն մոմենտին Հաղպատից բաց է թողնվում երկու հրթիռ, դա Ռազմհեղկոմի պայմանական գիրեկտիֆն էր, որ նշանակում էր «սկսել հարձակումը»: Ժամը 2-ին ապստամբների ղինված ուժերն սկսում են մարտական գործողությունները: Գտրվում են մենչևիկյան կայադորները միմյանց հետ միացնող կապի բոլոր միջոցները, քանդվում են երկաթգծի որոշ մասեր, պարտիզանական ջոկատներն արդեն այդ ժամին մոտենում են կայարաններին և գյուղերին, որտեղ կային մենչևիկյան կայադորներ, և գրոհում են նրանց վրա: Փետրվարի 12-ին Սանահինի, Հաղպատի և Ղազախի պարտիզանական ջոկատները երեք կողմից—Կոշաբերդի, Սանահինի և Հաղպատի—հարձակվում են Զեդոք գոնայի վարչական կենտ-

¹ Գառա. արխիվ. հատուկ ֆոնդ, 18 գործ, կապուց 2:

րոն Ալավերդի-Մանեսի վրա, զինաթափ են անում կայազորը և զերի են վերցնում Զեզոք զոնայի կոմիսարին ու մենչևիկ նահանգապետին։ Նախօրոք ազիտացիայի ենթարկված մենչևիկյան զինվորների մի մասը անձնատուր է լինում ապստամբներին։ Մենչևիկները ապստամբների հարվածների տակ փախչելով, հրի են մատնում Լոռու գյուղերը։ Ապստամբները զիմում են Գարմիր Բանակի օգնությանը։ Աղատարար Կարմիր Բանակը փետրվարի 12-ին Սովետական Հայաստանի սահմաններից օգնության է գալիս Լոռու ապստամբներին։ Այդ առթիվ 11-րդ բանակի ղաշտային քաղաքում մի կոչով դիմում է վրաց զինվորներին. կոչի մեջ ասված է. «...Մենք օգնության եկանք Զեզոք զոնայի—Բորչալուի զավառի ապստամբ գյուղացիներին, որոնց մենչևիկյան կառավարությունը փորձում էր թշնացնել հրով և սրով»։

Փետրվարի 12-ից մինչև 14-ը ապստամբները զերի վերցրին վրացական 3700 զինվոր և ստա։ Ապստամբությունը Զեզոք զոնայում հաղթանակեց, Լոռին ազատագրվեց մենչևիկներից։ Փետրվարի 14-ին «ապստամբների շտաբը» և Լոռու Ռադմեդկոմը մի կոչով դիմեցին Սովետական Ռուսաստանին, Հայաստանին, Ադրբեջանին և Վրաստանի բանվորներին ու գյուղացիներին։ Կոչի մեջ ասված է.

«Աշխատավոր եղբայրներ,

Մենք, Լոռու Զեզոք զոնայի գյուղացիներս, բարձրացրինք ապստամբության դրոշմ և Լոռում հայտարարեցինք Սովետական իշխանություն. «Գեմոկրատական» Վրաստանի արյունարբու կամակատարությունը համախմբեց իր դեմ աշխատավոր գյուղացիներին, ասանց ազգի և զավանանքի խտրության։ Հայ, ռուս, ադրբեջանցի և վրացի գյուղացիների եղբայրական միությունը որոշեց մեր հաղթանակի բախտը։ Երկու օրվա ջերմասանդ պայքարի հետևանքով Լոռին դարձավ ազատագրված գյուղացիական երկիր։ Մենչևիկյան Վրաստանի օպրիչնիկները փախչելով, այրեցին և թալանեցին մեր լավագույն գյուղերը—Վորոնցովկան, Պրիվոլնոեն, սակայն նման ստորաքարշները կազմում էին մի փոքր խմբակ, իսկ ազնիվ զինվորները, չմոռանալով բանվորի և գյուղացու խիղճը, անձնատուր եղան առանց կռիւի... Ողջույն ձեզ, վրացական բանվորներ ու գյուղացիներ, ազատագրված Լոռու գյուղացիությունից։ Մենք համոզված ենք, որ ոչ ոք ձեզ չի կարող ստիպել կռվի դուրս գալ մեր ազատության դեմ, խլել մեր հողը, իսկ մենք կպաշտպանենք մեր սովետական իշխանությունը մինչև վերջ։ Մենք համոզմած ենք, որ մեր ամրապնդված Սովետական Ռուսաստանի, Ադրբեջանի և Հայաստանի եղբայրները չեն վերադարձնի մեզ մեր բռնակալներին, մենք մեզ դնում ենք եղբայրական սովետական հանրապետությունների հովանավորության տակ...»։

Ապստամբների շտաբ Լոռվա Ռեկոմ։

Ռեկոմիցիայի մեծ հանճարը—Վ. Ի. Լենինը ուշի ուշով հետևում էր Վրաստանի և Լոռու աշխատավորների ազատագրական պայքարին։ Փետրվարի 26-ին Մոսկվայի Սովետի պլենար նիստին իր զեկուցման մեջ, Վրաս-

¹ Կոչը վերցված է Լենինի Թանգարանի Թրիխտի ֆիլիալի ֆոնդային բաժնից։

² Այս գույքմենտը վերցված է Լենինի Թանգարանի Թրիխտի ֆիլիալի ֆոնդային բաժնից։

տանում Սովետական իշխանության հաստատվելու կապակցությամբ, Լենինը Լոռու հերոսական զինված ապստամբության և նրա պատճառների մասին ասում է. «Միջազգային երրորդ հարցը Կովկասի դեպքերն են։ Այնտեղ վերջին ժամանակներս խոշոր դեպքեր տեղի ունեցան... Նրանց էությունն այն է, որ մենք մեծ պատերազմի շեմին ենք։ Հայաստանի և Վրաստանի ընդհարումը չէր կարող չհուզել մեզ և այդ դեպքերն այն բանին հասցրին, որ հայ-վրացական պատերազմը փոխվեց ապստամբության, որին մասնակցում էր նաև ռուս զորքերի մի որոշ մասը։ Եվ այդ նրանով վերջացավ, որ հայ բուրժուազիայի հետին մտադրությունը մեր դեմ, գոնե մինչև այժմ, իրենց դեմ դարձավ և այնպես դարձավ, որ Թիֆլիսում... Սովետական իշխանությունն ստացվեց։ Մենք գիտենք, որ ապստամբությունը Հայաստանում սկսվեց հենց այն Զեզոք զոնայում, որը Վրաստանի և Հայաստանի մեջտեղն է ընկած և որը Վրաստանը զրավել էր Անտանտի իմպերիալիստների թույլատվությամբ... Վրաց մենշևիկների ձեռքին էր գտնվում հայ գյուղացիությանը միակ երկաթուղով պարենավորելու բանալին... Ոչ ոք համբերություն չի ունենա կարդալու այն հեռագրերը, հայտարարություններն ու բողոքները, որ մենք այդ առթիվ փոխանակել ենք Վրաստանի հետ։ Եթե մենք հաշտության պայմանագիր ունենայինք Վրաստանի հետ, պետք է, ինչքան կարելի է երկարացնեինք այն։ Բայց երևակայեցեք, որ հայ գյուղացիությունը պայմանագրի վրա այդպես չէր նայում։ Բանը վերջացավ նրանով, որ փետրվարի սկզբին սարսափելի ապստամբություն պոռթկեց, որը զարմանալի արագությամբ տարածվեց և ընդգրկեց ոչ միայն հայ բնակչությանը, այլև ուրիշներին»¹

Փետրվարի 16-ին ամբողջ Լոռին ազատագրվեց վրացական օկուպանտներից։ Լոռու ապստամբ գյուղացիները և Հայաստանից նրանց օգնության եկած Կարմիր Բանակի զորամասերը հասել էին վրացական սահմանին։ Սերգո Օրջոնիկիձեի հրամանով նրանք անցնում են Վրաստանի սահմանը և 16-ին մանում են Շուլավեր (ներկայումս՝ Շահումյան)։ Որը համընկնում է Շուլավերում Վրաստանի Ռեկոմի կազմակերպման հետ։ Այդ ժամանակ Վրաստանի կոմունիստական պարտիան, Վրաստանի բանվորներին ու աշխատավոր գյուղացիներին ապստամբության էր դուրս բերել Վրաստանի մենշևիկյան կառավարության ու Վրաստանում բռն զրած Անտանտի իմպերիալիստների դեմ։ Վրաստանի Ռեկոմի կոչով Կարմիր Բանակի զորամասերը և ընկ. Օրջոնիկիձեի ու Կիրովի կողմից կազմակերպված պարտիզանական ջոկատները Վրաստանի հետ սահմանակից սովետական բոլոր շրջաններից օգնություն են գնում մենշևիկների դեմ ապստամբած վրաց ժողովրդին։ Փետրվարի 25-ին Վրաստանի ապստամբ բանվորների և գյուղացիների, սրանց օգնության եկած Կարմիր Բանակի հարվածների տակ տապալվում է մենշևիկյան իշխանությունը Վրաստանում։

Ընկեր Օրջոնիկիձեն, որ անմիջապես կազմակերպում ու ղեկավարում էր զինված ապստամբությունը Լոռում և Վրաստանում, նրա հետագա զարգացման և նրա նշանակության մասին գրում է. «Իրադրությունը Վրաստանում սկսվեց այսպես. Լոռու գյուղացիությունը ապստամբվեց մենշևիկների օկուպացիոն զորքերի դեմ։ Մենշևիկյան մոտ երեք հազար զինվորներ

¹ Լենին, հտ. 26, էջ 253-254, հայ. հր.

հրացանները շարտելով գրեթե առանց գիմադրության, անձնատուր եղան ապստամբներին: Երեք-չորս օրվա ընթացքում ոչ միայն Ձեռք Դոտին, այլև ամբողջ Բորչալուի գավառը ազատագրվեց մենչևիկյան զորքերից՝ ապստամբներին օգնության հասավ Կարմիր Բանակը և դրանով կանխորոշվեց Թիֆլիսի անկումը...»¹

Զինված ապստամբությունը հաղթանակեց Վրաստանում և Լոռում: Սրանով և կանխորոշվեց Թիֆլիսիում հավաքված կոնտրակոլուցիայի թելադրանքով զաշնակցականների կողմից կազմակերպված փետրվարյան (1921 թ.) ավանտյուրայի լիկվիդացիան Հայաստանում:

Լոռու զինված ապստամբության պատմական նշակությունն այն է, որ նա սկիզբ դարձավ այն մեծ պատերազմի, որը, Կարմիր Բանակի օգնությամբ, կազմակերպեցին Վրաստանի, Լոռու և Անդրկովկասի բոլոր ժողովուրդները, Թիֆլիսիում կենտրոնացված կոնտրակոլուցիայի և ինտերվենտների դեմ: Այսպիսով՝ Լոռու ապստամբ բանվորները և զուգացիները առաջին հարվածը հասցրին սովետական ռեսպուբլիկանների դեմ նոր կոնտրակոլուցիոն զորքեր կազմակերպելու բազա դարձած մենչևիկյան Թիֆլիսին և այնտեղ բռն զրած ինտերվենտներին:

Հոկտեմբերյան սոցիալիստական Մեծ ռևոլուցիան վերջնականապես հաղթանակ տարավ նաև Անդրկովկասում:

✓

¹ Գ. Կ. Օրլոնովիչի, Հեղափոխությունը և Հասարակական կյանքը. 1939 թ., էջ 106—107, 110.
Ձեռք գոնալ 2—6